



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 21. Scriptorum religione Catholicorum lucubrationes & obitus.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

civilia bella aut movisset, aut promovisset, in extremis tamen mitissimæ patientiæ studium exhibuit, ac inter Religiosorum choros & preces & luculenta pœnitentiæ signa animam exhallavit. Die autem decima sexta Martii anno ætatis quinquagesimo nono obiit Charlotta Guilielmi V. Hassiæ Landgravii Filia, quæ Carolo Ludovico Electori Palatino anno hujus sæculi quinquagesimo nupta, paulopost a Mariti sui thoro disjuncta fuit. Denique Joannes Fridericus Marchio Onolsbacensis die decima tertia Martii, & Joannes Georgius Saxo-Eisenacensis Dux mortalitatem exuerunt.

Sæc. XVII.
A. C. 1686.

§. XXI.

Scriptorum Catholicorum lucubrationes & obitus.

Plures ex Scriptoribus Catholicis occurrunt, qui hoc anno calamum cum vita posuere; hos inter primus est Ludovicus Maimburgus, qui decimo sexto ætatis anno Societatem ingressus, haud imitanda audacia Verbum Dei aliquamdiu annuntiabat, postea Historiæ Ecclesiasticæ studio totum se impendens, pari temeritate Pontificum, Principum, aliorumque mores carpens, non raro veritatem seposuit, ut ab eo potius

*Du Pin Bibl.
des Auth
Eccl. tom. 18.
pag. 138.
Marvill.
mel. Hist.
t. I. p. 23.*

Sæc. XVII. potius neglecta, quam amata videre
 A. C. 1686. tur: unde quidam de eo dicere solitus
 erat, Maimburgum inter Historicos idem
 esse ac Momum inter Deos, eumque
 cum veritate ludere, vanas historias,
 & nugas ad aliorum oblectamentum,
 somnumque conciliandum garrere: fer-
 vente etiam Regalium causa Maim-
 burgus vel genio Societatis tunc for-
 tunam & potentiam Gallicam amplexæ,
 vel Regem demerendi studio, vel Pari-
 siensis Archiepiscopi favore deceptus
 consueta sua scriptitandi intemperie ad-
 versus Pontificem Gallicanos Præsules
 defendit: quapropter Innocentius XI.
 Societatis Generali in mandatis dedit,
 ut Maimburgum dimitteret: hujus man-
 dati executio utique fuisset impedita,
 si ipsemet voluisset Maimburgus, qui
 tamen, ne majores Societati molestias
 crearet, *multoque, quam hætenus, majori*
Zelo, ardore ac libertate Regis beneplacito,
 uti ipsemet fatebatur, deservire posset,
 anno hujus sæculi octogesimo secundo
 a Societate dimissus sub sæculari habitu
 in Abbatia ad S. Victorem reliquam
 vitæ ad annos septuaginta duos trans-
 egit, die decima tertia Augusti Parisiis
 repentino apoplexiæ tactu correptus,
 dum Historiam schismatum Ecclesiæ
 Anglicanæ concinnare pararet. Scripsit
 pacificam methodum sine disputatione
 con-

convertendi Protestantes, librum de *Sæc. XVII.*
 vera Ecclesia, & vero Dei Verbo. Hi- *A. C. 1686.*
 storiam Arianismi & Iconoclastarum,
 Historiam Cruciatorum, & Historiam
 schismatis Græcorum: sequentes vero
 ejusdem libri Romæ a sacra Indicis
 Congregatione fuere proscripti. 1. Hi-
 storia de ruina Imperii post Carolum
 Magnum. 2. Historia magni schisma-
 tis Occidentalis, 3. Historia Luthera-
 nismi & Calvinismi, 4. Historia Pon-
 tificatus S. Gregorii Magni, 5. & tra-
 ctatus Historicus de institutione & pri-
 vilegiis Romanæ Ecclesiæ, ejusque Epi-
 scoporum, in quo libro, inquit Sfon-
 dratus, Maimburgus *plenam aciem in-*
struxit, seque hostem, licet majori pompa,
quam damno, professus est, cum antea in
aliis libris suis Pontificiam dignitatem oc-
cultis tantum præliis minutisque impetisset,
 quamvis cuncta ejus argumenta non-
 nisi a Calvinistis, Lutheranis, & Cen-
 turiatoribus mutuata essent. Exstat
 quoque ejus Historia Wiclefianismi,
 necnon Pontificatus S. Leonis Magni,
 præter varios sermones & epistolas.
 II. Joannes Neercasselius Castoriensis
 Episcopus, ex Congregatione Sacerdo-
 tum Oratorii edidit tractatum de do-
 ctrina circa lectionem S. Scripturæ, de
 Judice, cui competit eam interpretari,
 Amorem Pœnitentem, & tractatum de
 disci-

Sæc. XVII. disciplina circa cultum Sanctorum, &
A. C. 1686. B. Virginis. III. Claudius Vidal Be-
 nedictinus Congregationis S. Mauri po-
 steris reliquit Diarium Christianum
 IV. Joannes Baptista Cotelerius Facul-
 tatis Theologicæ Parisiensis Baccala-
 reus, qui quatuor homilias S. Chry-
 stomi in Psalmos unacum ejusdem S. Pe-
 tris Interpretatione in Daniele latinè
 & Græco sermone typis vulgavit, &
 mulque scripta Patrum Apostolicorum
 & monumenta Ecclesiæ Græcæ unacum
 eruditis annotationibus edidit. V. Va-
 lerius de Molavia Vaticanæ Basilicæ
 Beneficiatus prælo subjecit duas ora-
 tiones de laudibus Urbani VII. Pontifi-
 cis. VI. Franciscus Maria Magius
 Clericus Regularis, qui vitam Pauli III.
 Papæ, præfagia & insigniora gesta Ro-
 manorum Pontificum Sæculi XVI. &
 XVII. conscripsit, & Syntagma lingua-
 rum Orientalium, Rituale Theatinum
 Sanctimonialium, tractatum de ritibus
 & praxi incolendæ solitudinis, Cal-
 teum Religiosum, Rosarium B. V. præ-
 ter plurima alia cultum ejusdem B. Vi-
 ginis concernentia posteris reliquit.
 VII. Carolus ab Assumptione Comitum
 Briacensis Filius, qui abjecto Baltheo
 militari ad Carmeli excalceati solitudi-
 nem secedens, raram eruditionem cum
 profunda humilitate conjunctam habuit
 edi.

edidit tribus tomis sub nomine Ger-
 mani Philalethis Eupistini suum Trium-
 phum Thomistarum, seu SS. Augustini
 & Thomæ concordiam circa scientiam
 mediam, naturam puram &c. & Pen-
 talogum Diaphoricum. Exstat insuper
 ejusdem Funiculus triplex contra Ba-
 jum, Molinam & Jansenium, Theo-
 logi Flandri epistolæ decem de dilatione
 absolutionis &c. Vindictarum postulatio
 adversus rigoristas, & Elucidatio circa
 usum absolutionis consuetudinariorum,
 & recidivorum præter plura alia. VIII.
 Hermanus a S. Norberto Carmelita
 Excalceatus typis excudi fecit duos
 tractatus de voto Seraphico S. There-
 siæ & de institutione & origine Mari-
 colarum, necnon viam mediam Con-
 fessariorum, confraternitatem Filii Dei
 paucis notam, Colyrium ad legum san-
 ctitatem intelligendam præter Medita-
 tiones. IX. Alexander a S. Theresia
 Carmelita edidit clypeum Religionis
 contra Novatores, Hydram profanarum
 novitatum, tempestatem Novaturien-
 tium, Regulam fidei, & confutatam
 justificationem praxeos illorum, qui
 septem peccata esse credenda docent,
 IX. Joannes Antonius d'Aubermont
 Ord. FF. Præd. scripsit doctrinam Lo-
 vaniensium de primatu Pontificis, re-
 sponzionem historicam ad Cleri Galli-
Hist. Eccles. Tom. LXV. F f cani

sæc. XVII.
A. C. 1686.

Sæc. XVII. canoni declarationem de potestate Ecclesiastica, expunctionem appendix Papeprochii, qui officium Corporis Christi Divo Thomæ abnegavit, opusculum S. Thomæ contra Guilielmum de S. Amore, præter plurima alia.

§. XXII.

Acatholicorum Scriptorum opera decessus.

*Pipping
mem. Theol.
Univ. Hist.
Lexic.*

Plures ex Scriptoribus Acatholicis in anno obiere, quos inter primus erat Balthasar Babelius, qui memorabilia Historiæ Ecclesiasticæ recentioris, antiquitates Evangelicas & Judæicas, antiquitates Ecclesiæ Evangelicæ antiquitates Germaniæ primæ, Ecclesiam Ante-diluvianam, tractatum de Remonstrantium Scepticismo, & Philosophiam contra Walenburgios edidit præter nonnulla alio. II. Jacobus Spangulæ vulgavit Historiam Genevensis, præfationem ad P. de la Chaise de antiquitate Religionis, miscellanea erudita antiquitatis, novitates Reipublicæ literariæ, monumenta antiquitatis Lugdunensis, atque itinerarium Græciæ Orientis. III. Abraham Calovius publici juris fecit Criticum sacrum Bibliæ, Syncretismum Calixtinum, Biblia illustrata, Socinianismum profugum.